

Õudbeä'Inn ee'jj 1996 vuâđđuum suõjjeemvuu'di laa'jjid peei'vtet

Pirrõsministeria juátkk luâđsuõjjeemlää'jj oodummsa õhtneei valmštõõllmõõžž tä'rkstõõlee'l ouddâl ee'jj 1996 laa'jjin vuâđđuum luâđsuõjjeemvuu'di räahtemšiõtlmid. Ee'jj 1996 mânia vuâđđuum meermie'cci da laa'jjin vuâđđuum suõjjeemvuu'di beä'Inn muuttâsehdtõõžž le'jje ciâklmest keässa 2021. Tât nu'bb vuässõs suõjjeemvuu'di räahtemšiõtlmi peei'vtummšest kuâskk 28 meermie'cc, pukid 19 luâttmuõrrkarddâž, nu't 130 jie'gõisuõjjeemvuu'd di ååu'c jee'res luâđsuõjjeemvuu'd.

Õudbeä'Inn ee'jj 1996 vuâđđuum suõjjeemvuu'd liâ vuâđđuum ee'jjest 1923 šiõttuum luâđsuõjjeemlää'jj poodd, kuä'ss suõjjeemvuu'di räahtemšiõttâlm u'vdeš pãđasetõõžžin. Muttsin räahtemšiõttâlm see'rdet asetõõžžin lää'jj tässa. Asetõõžži räahtemšiõttâlm liâ vuässas puärrsmam da tõi siiskõs vaajtâall suõjjeemvuu'di kõõskâst. Muuttâs peei'vte'çi räahtemšiõtlmid va'stteed odđ luâđsuõjjeemlää'jj da õõutnââ'stçi jee'res meersaž- da luâttmuõrrkarddsid kuõskki šiõtlmid, kuuitâg vuu'did kuõskki spesiaalšiõtlmid lokku vää'ldee'l.

Peei'vtummuž se'st õõ'ni meersaž- da luâttmuõrrkarddâž sãjddã'tte vee'zz Lää'ddjãnnam vuu'dest. Jie'gõisuõjjeemvuu'd da jee'res laa'jjin vuâđđuum luâđsuõjjeemvuu'd teä'ddã'vve Lappi, Tã'vv-Vuâđđmãdd da Kainuu mãddkoo'ddid. Saa'mi dommvuu'dest sãjddã'tte ju'na obbnes le'be vuässas Lemmenjoogg da Urho Kekkonen meermie'cc, Malla, Kevo da Sompio luâttmuõrrkarddâž di 14 jie'gõisuõjjeemvuu'd. Õhtse'žže peei'vtemvuâla lää'jj liâ nu't kuãhtlo.

Pukin puärrsummuž lää'jj liâ mäãngai meersaž- da luâttmuõrrkarddsi vuâđđummuž kuõskki lää'jj iijjin 1938, 1956, 1964 ja 1981. Jee'res peei'vtemvuâla lää'jj liâ iijjin 1982-1996 uvddum lää'jj jee'res meermie'cci vuâđđummšest, iijjin 1981 da 1988 uvddum lää'jj jie'gõisuõjjeemvuu'd vuâđđummšest di 1990-lããggãst uvddum lää'jj jee'res luâđsuõjjeemvuu'di vuâđđummšest. Ee'jj 1996 mânia vuâđđuum vuu'd ko'lle odđ luâđsuõjjeemlãã'jjin seãmma obbvuõ'tte da tõid kuõskki lää'jj peei'vtet odđ luâđsuõjjeemlää'jj õhttvuõđãst.

Lää'kkha'õkkõs älgg keãđđa 2022 pirrõsministeria ve'rgõtuãjjan da čõõnãsjoouki kuullmõõžžin. Halltõõžž e'tkkõõžž hããmas kičõlõõđãt vuõltteed ceãlkãlmkõrvvja keãzzas 2022, da halltõõžž e'tkkõõs kičõlõõđãt u'vdded ee'ttiķ-kãdda skamm-mannust 2022. Tããvtõõssãn lij, što laa'jji muttãž puã'đče viõ'kkẽ seãmmaãiggsãnji odđ luâđsuõjjeemlãã'jjin.

Lãã'ssteãđ:

Leila Suvantola

Lãã'jjšiõtteemduumšẽķ

te'l. 0295 250 433

leila.suvantola@gov.fi